



王寧朔集目錄

卷之一

賦

風賦

桐樹賦應竟陵王教

樂府

齊明王歌辭七首

明王曲

聖君曲

淶水曲

採菱曲

清楚引

長歌引

散曲

三婦艷詩

青青河畔草

同沈右率諸公賦鼓吹曲二首

巫山高

芳樹

臨高臺

望城行

法樂辭十二首

右歌本起

右歌靈瑞

右歌下生

右歌在宮

右歌四遊

五言詩集  
目錄  
右歌出國

右歌得道

右歌雙樹

右歌賢衆

右歌學徒

右歌供具

右歌福應

少年子

江臯曲

思公子

王孫遊

陽翟新聲

永明樂十首

奉和秋夜長

代五雜組

奉和織織

詩

贈族叔衛軍

王寧前集 目錄 三  
從武帝琅瑯城講武應詔

棲玄寺聽講畢遊邱園七韻應司徒教

雜體報范通直

范雲古意贈王中書附

別蕭諮議

梁武帝答任殿中宗記室王中書別

附

寒晚敬和何徵君點

和王友德元古意二首

奉和竟陵王郡縣名

遊仙詩五首

春遊廻文詩

侍遊方山應詔

奉辭鎮西應教

餞謝文學離夜

謝朓答諸君餞別附

和南海王殿下詠秋胡妻七首

琵琶

王寧前集  
目錄  
四  
詠幔

藥名

星名

奉和月下

詠池上梨花

劉繪和王融池上梨花附

詠梧桐

詠女蘿

移席琴室應司徒教

抄衆書應司徒教

自君之出矣

擬古二首

四色詠

離合賦物爲詠

雙聲詩

聯句

阻雪連句遙贈和

卷之二

疏

上北伐圖疏

議給虜書疏

請習校部曲疏

表

拜秘書丞謝表

為王儉讓國子祭酒表

又

獄中據荅表

策問

永明九年策秀才文五首

永明十一年策秀才文五首

卷之三

啓

求自試啓

法門頌啓

謝勅賜御裘等啓

謝勅賜米啓

謝竟陵王示法制啓

謝竟陵王示扇啓

謝竟陵王賜納裘啓

謝司徒賜紫鮓啓

謝武陵王賜弓啓

謝安陸王賜銀鉢啓

書

爲竟陵王與隱士劉虬書

序

三月三日曲水詩序

卷之四

頌

淨行頌三十一首

皇覺辯德篇頌

開物歸信篇頌

滌除三業篇頌

修理六根篇頌

生老病死篇頌

尅責身心篇頌



檢覆三業篇頌

訶詰四大篇頌

出家順善篇頌

在家從惡篇頌

沈冥地獄篇頌

出家懷道篇頌

在家懷善篇頌

三界內苦篇頌

出三界外樂篇頌

斷絕疑惑篇頌

十種慚愧篇頌

極大慚愧篇頌

善友獎勸篇頌

戒法攝心篇頌

自慶畢故止新篇頌

大忍惡對篇頌

緣境無礙篇頌

一志努力篇頌

禮舍利寶塔篇頌

敬重正法篇頌

奉養僧田篇頌

勸請增進篇頌

隨喜萬善篇頌

廻向佛道篇頌

發願莊嚴篇頌

哀策文

皇太子哀策文

墓銘

豫章王墓銘

永嘉長公主墓銘

附錄

王融傳

梁蕭子顯

王融傳

唐李延壽

和王著作融八公山

齊謝朓

傷王元長

梁沈約

遺事

集評

王寧朔集卷之一

齊瑯琊王融元長著

明閩漳張爨紹和纂

賦

風賦

奄今日采之既移忽兮群景之將馳靡輕筠之  
碧葉汎曾松之翠枝總高羽而蕭瑟韻珠露之  
參差此烈士之英風長寥亮其如斯

三寧前集 卷一  
桐樹賦應竟陵王教

梧桐生矣於邱岫之曾隈儀龍門而挿榦佇鳳  
羽以抽枝蹤楚宮而留稱藉溜館以翻聲直不  
繩而特秀圓匪規而天成同歲草以萎暮共辰  
物而滋榮豈遠心以自外寧有志於孤貞

樂府

齊明王歌辭七首

應司徒教作  
以下五言

明王曲

明王日月照至樂天地和幸息雲門吹復歇咸  
池歌桂序金匏轉瑤軒絲石羅朱騏步躑躅玄  
鶴舞蹉跎露凝嘉草秀煙度醴泉波皇基方萬  
祀齊民樂如何

聖君曲

聖君應昌歷景祚啓休期龍樓神睿道兎園仁

王寧前集 卷一  
義基海蕩萬川集山崖百草滋盤苗成萃止渝  
韎異來思清明動離軫威惠被殊辭大哉君爲  
后何羨唐虞時

淥水曲

湛露改寒司交鶯變春旭瓊樹落晨紅瑤塘水  
初淥日霽沙激明風泉動華燭遵渚泛蘭觴乘  
漪弄清曲斗酒千金輕寸陰百年促何用盡歡  
娛王度式如玉

採菱曲

炎光銷玉殿涼風吹鳳樓雕輪一作青輅倏平隰朱  
權泊安流金華妝翠羽鷁首畫飛一作龍舟荆姬  
採菱曲越女江南謳騰聲翻葉靜散響谷雲浮  
良時時一遇佳人難再求

清楚引

平原數千里飛觀鬱岩岩清月回將曙浩露零  
中宵轉葉度沙海別羽自冰遼四面通寒色左  
右竟嚴飈峭澗多榛梗京索久塵苗逝將憑神  
武奮劔盪遺妖

長歌引

周雅聽休明齊德觀升平紫煙四時合黃河萬里清翠柳蔭通街朱闕臨高城方轂雷塵起接袖風雲生酣笑爭日夕絲管互逢迎徂年無促慮長歌有餘聲

散曲

金枝湛明燎繡幕裂芳然層闈橫綠綺曠席緬朱纏楚調廣陵散瑟柱秋風弦輕裾中山麗長袖邙鄴妍徐歌駐行景迅節滄浮煙言願聖明

王承永萬斯年

三婦艷詩

大婦織綺羅中婦織流黃小婦獨無事挾瑟上高堂丈人且安坐調弦詎未央

青青河畔草

容容寒煙起翹翹望行子行子殊未歸寤寐君一作容輝夜中心愛促覺後阻河曲河曲萬里餘情交襟袖疎珠露春華返璿霜秋照一作桂晚

入室怨蛾眉情歸爲誰婉

同沈右率諸公賦鼓吹曲二首

巫山高

諸公詩別見謝  
沈二集此不載

想像

一作  
髣髴

巫山高薄暮陽臺曲煙霞乍舒卷蘅

芳自斷續彼美如可期寤言紛在矚憮然坐相

思秋風下庭綠

芳樹

相望早春日煙華雜如霧復此佳麗人含情結

芳樹綺羅已自憐暄風多有趣去來徘徊者佳

人不可遇

臨高臺

遊人欲騁望積步上高臺井蓮當夏吐窓桂逐

秋開花飛低不入鳥散遠時來還看雲棟影含

月共徘徊

望城行

金城十二重雲氣出表裏萬戶如不殊千門反

相似車馬若飛龍長衢無極已簫鼓相逢迎信

哉佳城市

法樂辭十二首

王寧前集 卷一 五  
天長命自短世促道悠悠禪衢開遠駕愛海亂  
輕舟累塵曾未極心樹豈能籌情埃何用洗正  
水有清流

右歌本起

百神肅以虔三靈震且越恒曜揜芳宵薰風動  
蘭月丹榮藻玉墀翠羽文珠闕皓毳非虛來交  
輪豈徒發

右歌靈瑞

韶年春已仲明星夜未央千祀鍾休曆萬國會

嘉祥金容涵夕景翠鬢佩晨光表塵維淨覺汎  
俗迺輪皇

右歌下生

襲氣變離宮重栢驚層殿曼響感心神脩容轉  
惟宴生老終已縈死病行當薦方爲淨國遊豈  
結危城戀

右歌在宮

春枝多病天秋葉少欣榮心骸終委滅親愛暫  
平生長風吹北隴迅瀑急東瀛知三旣情暢得



一乃身貞

右歌四遊

飛策辭國門端儀偃郊樹慈愛徒相思閨中空  
戀慕夙隸乖往塗駿足獨歸路舉袂謝時人得  
道且還去一作顧

右歌出國

明心弘十力寂慮安四禪青禽承逸軌文驪一作  
鑣鏡重川鷺巖標遠勝鹿野究清玄不有希世  
寶何以道濛濛泉

右歌得道

亭亭雙月流朏朏晨霜結川上不徘徊條間亟  
渝滅靈知湛常然符應有盈缺感運復來儀且  
厭人間世音泄

右歌雙樹

春山玉所府檀林芳所棲引火歸炎燧挹水自  
清隄菴園無異轍祇館有同躋比肩非今古接  
武豈燕齊

右歌賢衆

昔余輕歲月茲也重光陰  
閨中屏鈿黛闕下挂  
纓簪禪悅兼芳旨法言戀一作清琴一異非能  
辨寵辱誰爲心

右歌學徒

峻宇臨層穹若若疎遠風騰芳清漢裏響梵高  
雲中金華紛蕁若瓊樹鬱青葱貞心延淨境邃  
業嗣天宮

右歌供具

影響未嘗隔晦明殊復親弘慈邈已遠睿后扇

高塵區中禩景福寓外沐深仁萬祀留國祚億  
兆慶唐民

右歌福應

少年子

聞有東方騎遙見上頭人待君送客返桂釵當  
自陳

江臯曲

林斷山更續洲盡江復開雲峰帝鄉起水源桐  
柏來

思公子

春盡風颯颯蘭凋木脩脩王孫久為客思君徒  
自憂

王孫遊

玉臺作  
春遊

置酒登廣殿開襟望所思春草行已歇何事久  
佳期

陽翟新聲

隋書翟  
作澤

懷春發下蔡含笑向陽城耻為飛雉曲好作鷓  
雞鳴

永明樂十首

玄符昭景歷茂實偶英聲長為南山固永與朝  
日明

靈丘北翼棲芳林合條起兩代分憲章一朝會  
書軌

二離金玉相三袞蘭蕙芳重儀文世子再奉東  
平王

空谷返逸驂陰山響鳴鶴振玉躡丹墀懷芳步  
青閣

崇文晦已明膠庠雜復整弱臺留折巾沂川詠  
芳穎

定林去喧俗鹿野出埃霞香風流梵瑄澤雨散  
雲花

楚望傾澠滌日館仰鑿鈴已晞五雲發方照兩  
河清

幸哉明盛世壯矣帝王居高門夜不柝飲帳曉  
長舒

總棹金陵渚方駕玉山阿輕露炫珠翠初風搖  
綺羅

西園抽蕙草比沼掇芳蓮生逢永明樂死日生  
之年

奉和秋夜長

玉臺作  
秋夜

秋夜長夜長樂未央舞袖拂花燭歌聲繞鳳梁

代五雜組

五雜組慶雲發往復還經天月不獲已生胡越

奉和織織

兩頭織織綺上紋半白半黑鷓翔群膈膈膊膊

王寧前集 卷一  
鳥迷曛磊磊落落玉石分

詩

贈族叔衛軍

台曜澄華鉉岳裁峻經天爲象麗地作鎮不器  
其德有斐斯文質超瑚璉才逸卿雲搖筆泉瀉  
動詠霓紛德聲伊何如蘭之宣貞筠抽箭潤璧  
懷山六樂畢該五禮備貫七訓是敷三英有粲  
惟旦惟公惟公惟旦

從武帝琅琊城講武應詔

治兵聞魯策訓旅見周篇教民良不棄任智理

王寧甫集 卷一  
恒全白日映丹羽頽霞文翠旃凌山炫組甲帶  
水被戈船凝葭鬱摧愴清管乍聯綿早逢文化  
洽復屬武功宣願陪玉鑾右一舉掃燕然

棲玄寺聽講畢遊邱園七韻應司徒教

道勝業茲遠心閒地能隙桂棹鬱初裁蘭墀坦  
將闢虛檐對長嶼高軒臨廣液芳草列成行嘉  
樹紛如積流風轉還逕清煙泛喬石日汨山照  
照紅松映水華碧暢哉人外賞遲遲眷西夕

雜體報范通直

和璧荆山下隋珠漢水濱無雙自昔代有美今  
爲隣三楚多秀士江上復才人緯蕭非善賈聖  
德可名臣追飛且學步共子奉清塵紫庭風日  
好青槐枝葉新徘徊吹樓側欲見心所親樹君  
蘭蕙草何用以書紳

范雲古意贈王中書附

攝官青瑣闥遙望鳳皇池誰云相去遠脉脉  
阻光儀岱山饒靈異沂水富英奇逸翮凌北  
海搏飛出南皮遭逢聖明後來棲桐樹枝竹

花何莫莫桐葉何離離可栖復可食此外亦  
何為豈知鷓鴣者一粒有餘資

別蕭諮議

徘徊將所愛惜別在河梁衿袖三春隔江山千  
里長寸心無遠近邊地有風霜勉哉勤歲暮敬  
矣事玉臺作慎容光山中殊未憚杜若空自芳

梁武帝荅任殿中宗記室王中書別附

問我去何節光風正悠悠蘭華時未晏舉袂  
徒離憂緩客承別酒鳴琴和好仇清宵一已

曙藐爾泛長洲眷言無歡緒深情附還流

寒晚敬和何徵君點

疎酌候冬序閒琴改秋律如何將暮天復值西  
歸日搖落迎軒滿飛鳴亂繩草煙灌其深陰風  
篁兩蕭瑟虛堂無笑語懷君首如疾早輕北山  
賦晚愛東臯逸上德可潤身下澤有徐轡叶音必  
和王友德元古意二首

遊禽暮知返行人獨未歸坐銷芳草氣空度明  
月輝頰容入朝鏡思淚點春衣巫山彩雲沒淇

上綠楊稀待君竟不至秋鴈雙雙飛

霜氣下盟津秋風度函谷念君淒以寒當軒卷

羅縠織手廢裁縫曲鬢罷膏沐千里不相聞寸

心鬱紛蘊平聲况復飛螢夜木葉亂紛紛

奉和竟陵王郡縣名

追芳承荔浦揖道訊虛丘升裾臨廣牧從望盡

平洲曾山臨翠坂方渠緬清流陽臺翻早茂陰

館懷名秋歲宴東光弭景仄西華收端溪慙昔

彥測水謝前脩往食曲阜盛今屬平臺遊燕棠

缺初雅鄭衮息遺詔久傾信都美乃結茂陵傳

河間誠可詠南海果難遊

遊仙詩五首

桃李不奢年桑榆多暮節常恐秋蓬根連翩因

風雪習道遍槐岷追仙度瑤碣綠帙啓真詞丹

經流妙說長河且已縈曾山方可礪叶音列

獻歲和風起日出東南隅鳳於亂煙道龍駕溢

雲區結賞自員嶠移讌乃方壺金卮浮水翠玉

學挹泉珠徒用霜露改終然天地俱



玉宇前集 卷一 十四  
命駕瑤池隈過息羸女臺長袖何靡靡簫管清  
且哀璧門涼月舉珠殿秋風迴清鳥鶩高羽王  
母停玉杯舉手暫爲別千年將復來  
湘沅有蘭芷汨吾欲南征遺珮出長浦舉袂望  
增城朱霞拂綺樹白雲照金楹五芝多秀色八  
桂常冬榮弭節且夷與參差聞鳳笙  
命駕隨所卽燭龍導輕鑣沙澤振寒草弱水駕  
冰潮遠翔馳聲響流雪自飄飄忽與若士遇長  
舉入雲霄羅繹徒有睨螭螟已寥寥

春遊迴文詩

枝分柳塞北葉暗榆關東垂條逐絮轉落蕊散  
花叢池蓮照曉月慢錦拂朝風低吹雜綸羽薄  
粉艷粧紅離情隔遠道歎結深閨中

侍遊方山應詔

巡躅望登年帳飲臨秋縣日羽鏡霜溥雲旗落  
風甸四瀛良在目八寓宛如見小臣竊自嘉預  
奉柏梁讌

奉辭鎮西應教

未學謝能筭高義幸知遊雷庭參辯爽梁苑豫  
才鄒徘徊歲光晚搖落江樹秋風旗縈別浦霜  
瑄迥遙洲

餞謝文學離夜

所知共歌咲誰忍別笑歌離軒思黃鳥分渚菱  
青莎翻情結遠旆灑淚與行波春江夜明月還  
望情如何

謝朓荅諸君餞別附

春夜別清樽江潭復爲客歎息東流水如何

故鄉陌重樹日芬葢芳洲轉如積望望荆臺  
下歸夢相思夕

和南海王殿下詠秋胡妻七首

日月共爲照松筠俱以貞佩紛甘自遠結鏡待  
君明且協金蘭好方愉琴瑟情佳人忽千里幽  
閨積思生

景落中軒坐悠悠望城闕高樹升夕煙層樓蒲  
初月光陰非或異山川屢難越輟泣拚鈿姿搔  
首亂雲髮

傾魄屬狙火搖念待方秋涼氣承宇結明熠僚  
堦流三星亦虛暎四屋慘多愁思君如菅草一  
見乃忘憂

行軸鬱不諧契濶彌新故朔風欄上發寒鳥林  
間度客遠乏衣裘歲晏饒霜露參差興別緒依  
遲起離慕

願言如可信行邁亦云反睇景不告勞瞻途寧  
遽遠何以淹歸轍蠶妾事春晚送日亂前華馳  
心迷舊婉

椒珮容有結振芳跂路隅黃金徒以賦白珪終  
不渝明心良自皎安用久踟躕遄車及枌巷流  
日下西虞

披帷悵有望出門遲所欲彼美復來儀慙顏變  
欣矚蘭艾隔芳臭涇渭分清濁去去夫人子請  
殉川之曲

琵琶

同賦諸  
公別見

抱月如可明懷風殊復清絲中傳意緒花裏寄  
春情掩抑有奇態悽鏘多好聲芳袖幸時拂龍

門空自生

詠幔

古文苑  
作謝朓

幸得與珠綴，幕歷君之楹。月映不辭卷，風來輒自輕。每聚金鑪氣，時駐玉琴聲。但願置尊酒，蘭缸當夜明。

藥名

重臺信嚴敞，陵澤乃閒荒。石蠶終未蛩，垣衣不可裳。秦芎留近詠，楚蘅摺遠翔。韓原結神草，隨庭銜夜光。

星名

眇歎屬辰移，端憂臨歲永。久慙入漢客，每愧遵河影。仙羽誠不退，蓬襟良未整。誰謂無正心，大陵有霜穎。

奉和月下

雕雲度綺錢，香風入珠網。獨知此夜月，依遲慕神賞。

詠池上梨花

翻堦沒細草，集水間疎萍。芳春照流雪，深夕映

王寧前集 卷一  
繁星

劉繪和王融池上梨花附

露庭晚翻積風  
閨夜入多縈  
藜似亂蝶拂燭  
狀聯蛾

詠梧桐

騫鳳影層枝  
輕虹鏡展綠  
豈數龍門幽  
直慕瑤池曲

詠女蘿

幕屋女蘿草  
蔓衍旁松枝  
含煙黃且綠  
因風卷

復垂

移席琴室應司徒教

雪崖似留月  
蘿徑若披雲  
潺湲石溜寫  
綿巒山雨聞

抄衆書應司徒教

說禮固多才  
惇詩信爲善  
巖筍發仙華  
金滕開碧篆

自君之出矣

自君之出矣  
芳蕝絕瑤卮  
思君如形影  
寢興未

王寧前集 卷一 十九  
曾離

自君之出矣金鑪香不然思君如明燭中宵空  
自煎

擬古二首

花蒂今何在亦是林下生何當垂雙髻團扇雲  
間明

鏡臺今何在寸身正相隨何當碎聯玉雲上壁  
已虧

四色詠

赤如城霞起青如松霧澈黑如幽都雲白如瑤  
池雪

離合賦物爲詠

冰容慙遠鑒水質謝明暉是照相思夕早望行  
人歸

火

雙聲詩

園蘅眩紅藹湖荇燁黃華迴鶴橫淮翰遠越合  
雲霞

聯句

阻雪連句遙贈和

積雪皓陰池北風鳴細枝九達密如繡何異遠

別離謝朓風庭舞流霰冰沼結文澌飲春雖以燠

欽賢紛若馳江秀才革珠囊條間響玉溜檐下垂杯

酒不相接寸心良共知王丞融飛雲亂無緒結冰

明曲池雖乖促席讌白首信勿虧王蘭陵僧孺飄素

瑩簷溜巖結噎通岐罇壘如未澣况乃限音儀

謝洗原隰望徙倚松筠竟不移隱憂慙萱樹忘

懷待山巵劉中書繪初昕逸翮舉日長駑馬疲幽山

有桂樹歲暮方參差沈右率約

王寧朔集卷之二

齊瑯琊王融元長著

明閩漳張爨紹和纂

疏

上北伐圖疏

臣聞情愴自中事符則感象構於始機動斯彰  
莊敬之道可宗會揖讓其彌肅勇烈之士足貴  
應輦鐸以增思肇植生民厥詳旣緬降及興運  
維道有徵莫不有所因循而升皇業者也若夫



膏腴旣稱天乙知五方之富皮幣已列帝劉測  
四海之尊異封禪之文則升中之典攸鬯嘆輿  
地之圖乃席捲之庸是立伏惟陛下窮神盡聖  
總極居中偶化兩儀均明二曜拯玄綱於頽絕  
反至道於澆淳可謂區宇儀刑齊民先覺者也  
臣亦遭逢生此嘉運鑿飲畊食自幸唐年而識  
用昏霾經術疎淺將適且軸豈蕨與薇皇鑒燭  
幽天高聽下賞片言之或善矜一物之失時湔  
拂塵蒙霑飾光價拔足草廬廁身朝序復得拜  
賀歲時瞻望日月於臣心願曾已畢矣但千祀  
一逢休明難再思策鉛駑樂陳涓塈竊習戰陳  
攻守之術農桑牧藝之書申商韓墨之權伊周  
孔孟之道常願待詔朱闕俯對青蒲請閑宴之  
私談當世之務位賤人微徒深傾欵方今九服  
清怡三靈和晏木有附枝輪無異轍東鞮獻舞  
南辯傳歌羗棘踰山秦屠越海舌象翫委體之  
勤輶譯厭瞻巡之數固將開桂林於鳳山創金  
城於西守而蠢爾獯狄敢讎大邦假息關河竊

命函谷淪故京之爽塏變舊邑而荒涼息反玷  
之儒衣久伊川之被髮北地殘民東都遺老莫  
不如泣吞悲傾耳戴目翹心仁政延首王風若  
試馳咫尺之書具甄戎旅之卒徇其墜城納其  
降虜可弗勞弦鏃無待干戈真皇王之兵征而  
不戰者也臣乞以執殳先邁式道中原澄瀚渚  
之恒流掃狼山之積霧係單于之頸屈左賢之  
膝習呼韓之舊儀拜鑾輿之巡幸然後天移雲  
動勒封岱宗咸五登三追蹤七十百神肅警萬  
國具僚瓊弁星離玉帛雲聚集三燭於蘭席聆  
萬歲之禎聲豈不盛哉豈不躋哉昔桓公志在  
伐莒郭牙審其幽趣魏后心存去漢德祖究其  
深言臣愚昧忖誠不足以知微然伏揆聖心規  
模宏遠旣圖載其事必克就其功臣不勝歡喜

議給虜書疏

虜使遣求書朝議欲  
不許融上疏請許之

臣側聞僉議疑給虜書如臣愚情切有未喻夫  
虜人面獸心狼猛蜂毒暴悖天經虧違地義逋  
竄燭幽去來幽朔綿周漢而不悛歷晉宋其踰  
梗豈有愛敬仁智恭讓廉脩慙犬馬之馴心同  
鷹虎之反目設豪秣有儲筋竿足用必以草竊  
關燧寇擾邊疆寧容款塞卑辭承衣請朔陛下  
務存遵養不時侮亡許其膜拜之誠納裘之賚

况復願同文軌儻見款遣思奉聲教方致猜拒  
將使舊邑遺逸未知所寘衰胡餘煦或能自推  
一令蔓草難鉏涓流泛酌豈直疥癢輕痾容爲  
心腹重患抑孫武之言也因則數罰窘則多賞  
先暴而後畏其衆者虜之謂乎前中原士庶雖  
淪懾殊俗至於婚葬之晨猶巾禱爲禮而禁令  
苛刻動加誅輟于時獯粥初遷犬羊尙結卽心  
徒怨困懼成逃自其將卒奔離資峙銷闕北畏  
勅蠕西逼南胡民背如崩勢絕防斷於是曲從  
物情僞竊章服歷年將絕隱蔽無聞旣南向而  
泣者日夜以覲比顧而辭者江淮相屬凶謀歲  
窘淺慮無方於是稽顙郊門問禮求樂若來之  
以文德賜之以副書漢家軌儀重臨畿輔司隸  
傳節復入關河無待八百之師不期十萬之衆  
固其提漿佇俟揮戈願倒三秦大同六漢一統  
又虜前後奉使不專漢人必介以匈奴備諸覘  
獲且設官分職彌見其情抑退舊苗扶任種戚  
師保則后族馮晉國總錄則邽姓直勒渴侯台

鼎則丘頽苟仁端執政則目凌鉗耳至於東都  
羽儀西京簪帶崔孝伯程虞蚪久在著作李元  
和郭季祐上于中書李思冲飾虜清官游明根  
泛居顯職今經典遠被詩史比流馮李之徒必  
欲遵尙直勒等類居致乖阻何則匈奴以氍騎  
爲帷床馳射爲糒糧冠方帽則犯沙陵雪服左  
袵則風飄鳥逝若衣以朱裳戴之玄冕節其揖  
讓教以翔趨必同艱桎梏等懼冰淵婆娑蹶躓  
困而不能前已及夫春草水生阻散馬之適秋

風木落絕驅禽之歡息涕脣於桑墟別醜乳於  
冀俗聽韶雅如隴贖臨方丈若爰居馮李之徒  
固得志矣虜之凶族其如病何於是風土之思  
深復戾之情動拂衣者連裾抽鋒者比鏃部落  
爭於下酋渠危於上我一舉而兼吞卞莊之勢  
必也且棘寶薦虞晉疆彌盛大鍾出智宿氏以  
亡帝略遠孚無思不服鑿光幸侂匪暮斯朝臣  
請收籍伊瀍茲書復掌猶取之內府藏之外籟  
於理有愜卽事何損若狂言足採請決敕施行

請習校部曲疏

臣每覽史傳見憂國忘家捐生報德者未嘗不  
撫卷歎息以爲今古共情也然或以片言微感  
一食小惠參國士之眄同布素之遊耳豈有如  
臣獨拔無聞之伍過超非分之位名器雙假榮  
祿兩升而宴安旻罷之晨優游旰食之日所以  
敢布丹愚仰聞宸聽今議者或以西夏爲念臣  
竊謂之不爾其故何哉陛下聖明群臣悉力順  
以制逆上而御下指開賞黜之言微示生死之

路方域之人皆相爲敵旣兵威遠臨人不自保  
雖窮鳥必啄固等命於梁鶉困獸斯驚終並懸  
於厨鹿凱師勞飲固不待晨臣之寸心獨有微  
願自獫狁荐食荒侮伊瀍天道禍淫危亡日至  
毋后內難兵力外虛謹言物情屬當今會若藉  
巫漢之歸師騁士卒之餘憤取函谷如反掌陵  
關塞若摧枯但士非素蓄無以卽用不教民戰  
是實棄之特希私集部曲豫加習校若蒙垂許  
乞隸監省拘食人身權備石頭防衛之數臣少  
重名節早習軍旅若試而無績伏受面欺之誅  
用且有功仰訓知人之哲

表

拜秘書丞謝表

臣聞升離戒晨陰牆不照其景膚雲停夕幽草  
 或漏其津至如明兼就日澤深行雨不有聖德  
 誰或其然所以欽至道而出青臯捨布衣而望  
 朱闕懷祿仕在代耕期榮不謀入用豈悟特擢  
 之例事均延祖置左之恩任光元幹踰溢情涯  
 普燭身表畏翹車而必讓誠濡翼之願辭既聖  
 主謂其可施故愚臣默思自勉



爲王儉讓國子祭酒表

竊以庠均義重振古所崇資師道尊有來攸尙  
匪曰蘭芷疇變入室之情不自朱藍何遷素絲  
之質况臣仁慙富信德謝潤身識陋令經器非  
匣重何以昇墜道於殊年反斯文於遙日將使  
良璣脩竹無增瑩羽敬遜務時遂騫星歲

又

臣聞脩瓦方湛弱露霑而取覆懸衡紀正輕塵  
委而必移况臣才非應俗用乖知治取其集冰  
飲水旌懸輪驚方臣之念未足言矣

獄中據荅表

囚寔頑蔽觸行多讐但夙參門素得奉教君子  
爰自總髮迄將立年州閭鄉黨見許愚慎朝廷  
衣冠謂無豐咎過蒙大行皇帝獎育之恩又荷  
文皇帝識擢之重司徒公賜預士林安陸王曲  
垂眄接旣身被國慈必欲以死自効前後陳伐  
虜之計亦仰簡先朝今段大羊乍擾紀僧真奉  
宣先敕賜語北邊動靜令囚草撰符詔于時卽  
因啓聞希侍鑿輿及司徒宣敕招募同例非一

實以戎事不小不敢承教續蒙軍號賜使招集  
銜敕而行非敢虛扇且格取亡叛不限僉楚狡  
弄聲勢應有形迹專行權利又無贓賄反覆唇  
齒之間未審悉與誰言傾動頰舌之內不容都  
無彼此但聖主膺教實所沐浴自上甘露頌及  
銀甕啓三日詩序接虜使語辭竭思稱揚得非  
誹謗且王公百司唯賢是與高下之敬等秩有  
差不敢踰濫豈應訛毀因才分本劣謬被策用  
悚怍之情夙宵兢惕未嘗誇示里閭彰曝遠邇  
自循自省並愧流言良由緣淺寡虞致貽讐謗  
伏惟明皇臨宇普天蒙澤戊寅赦恩輕重必宥  
百日曠期始蒙旬日一介罪身獨嬰憲劾若事  
實有徵爰對有在九死之日無恨泉壤

策問

永明九年策秀才文五首

問秀才高第明經朕聞神靈文思之君聰明聖德之后體道而不居見善如不及是以崆峒有順風之請華封致乘雲之拜或揚旌求士或設簾待賢用能敷化一時餘烈千古朕寅奉天命恭惟永圖審聽高居載懷祗懼雖言事必史而象闕未箴寤寐嘉猷延佇忠實子大夫選名升學利用賓王懋陳三道之要以光四科之首鹽

王寧甫集 卷二 十三  
梅之和屬有望焉

又問昔周宣惰千畝之禮號公納諫漢文缺三  
推之義賈生直言良以食惟民天農爲政本金  
湯非粟而不守水旱有待而無遷朕式照前經  
寶茲稼穡祥正而青旗肅事土膏而朱紘戒典  
將使杏花菖葉耕獲不愆清眵冷風述遵無廢  
而釋耒佩牛相泐莫反兼貧擅富浸以爲俗若  
爰井開制懼驚擾愚民瀉鹵可腴恐時無史白  
興廢之術矢陳厥謀

又問議獄緩死大易深規敬法卹刑虞書茂典  
自氓俗澆弛法令滋彰肺石少不寃之民棘林  
多夜哭之鬼朕所以明發動容具食興慮傷秋  
荼之密網惻夏日之嚴威永念畫冠緬追刑厝  
徒以百鍰輕科及行季葉四支重罰爰創前古  
訪遊禽於絕澗作霸秦基歌雞鳴於闕下稱仁  
漢牘二途如爽卽用兼通昌言所安朕將親覽  
又問聚人曰財次政曰貨泉流表其不匱懋遷  
通其有無旣龜貝積寢緡纒專用世代茲多銷

漏參倍下貧無兼辰之業中產闕游歲之貲惟  
瘼卹隱無捨矜歎上帝溥臨賜朕休寶印斜之  
谷開而出銅且有後命事茲鎔範克都內之金  
紹園府之職但赤仄深巧學之患榆莢難輕重  
之權開塞所宜悉心以對

又問治曆明時昭遷革之運改憲勅法審刑德  
之原分命顯於唐官文條炳於鄒說及嶠夷廢  
職昧谷虧方漢秉素祇之徵魏稱黃星之驗紛  
譁空軫疑論無歸朕獲纂洪基思弘至道庶令  
日月休徵風雨玉燭克明之旨弗遠欽若之義  
復還於子大夫何如哉其驪翰改色寅丑殊建  
別白書之

永明十一年策秀才文五首

問秀才朕秉籙御天握樞臨極五辰空撫九序  
未歌至於思政明臺訪道宣室若墜之惻每勤  
如傷之念恒軫故恤貧綬賦省徭慎獄幸四境  
無虞三秋式稔而多黍多稌不興兩穗之謠無  
褐無衣必盈七月之歎豈布政未優將疲民難  
業登爾於朝是屬宏議罔弗同心以匡厥辟  
又問惟王建國惟典命官上叶星象下符川嶽  
必待天爵具脩人紀咸事然後泐才授位揆務

分司是以五正置於朱宣下民不忒九工開於黃序庶績其凝周官三百漢位兼倍歷茲以降游情寔繁若閑冗畢棄則橫議無已冕笏不澄則坐談彌積何則可脩善詳其對

又問昔者賢牧分陝良守共治下邑必樹其風一鄉可以爲績至有旦撫鳴琴日置醇酒文而無害嚴而不殘故能出人於阡危之域躋俗於仁壽之地是以賈誼有言下之有惡吏之罪也頃深汰珪符妙簡銅墨而春雉未馴秋螟不散入在朕前湊其智略出連城守闕爾無聞豈薪槲之道未弘爲網羅之目尙簡悉意正辭無侵執事

又問朕聞上智利民不述於禮大賢疆國罔圖惟舊豈非療饑不期於鼎食拯溺無待於規行是以三王異道而共昌五霸殊風而並烈今農戰不脩文儒是競棄本徇末厥弊滋多昔宋臣以禮樂爲殘賊漢主比文章於鄭衛豈欲非聖無法將以旣道而權今欲專士女於耕桑習鄉



王寧朔集 卷三  
問以弓騎五都復而事庠序四民富而歸文學  
其道奚若爾無面從

又問自晉氏不綱關河蕩析宋人失馭淮汴崩  
離朕思念舊民永言攸濟故選將開邊勞來安  
集加以納款通和布德脩禮歌皇華而遣使賦  
膏雨而懷賓所以關洛動南望之懷獯夷遽北  
歸之念夫危葉畏風驚禽易落無待干戈聊用  
辭辯片言而求三輔一說而定五州斯路何階  
人誰或可進謀誦志以沃朕心

王寧朔集卷之三

齊瑯琊王融元長著

明閩漳張爨紹和纂

啓

求自試啓

臣聞春庚秋蟀集候相悲露木風榮臨年共悅  
夫惟動植且或有心况在生靈而能無感臣自  
奉望宮闕沐浴恩私拔迹庸虛參名盛列纓劍  
紫複趨步丹墀歲時歸來誇榮邑里然無勤而

官昔賢曾議不任而祿有識必譏臣所用慷慨  
憤懣不遑自安誠以深恩鮮報聖主難逢蒲柳  
先秋光陰不待貪及明時展悉愚効以酬陛下  
不世之仁若微誠獲信短才見序文武吏法惟  
所施用夫君道合弘臣術無隱翁歸乃居中自  
見克國曰莫若老臣竊景前脩敢蹈輕節以昌  
不媒之鄙式罄奉公之誠抑又唐堯在上不參  
二八管夷吾耻之臣亦耻之願陛下裁覽

法門頌啓

伏以迦文啓聖道冠百靈常住置言理高萬乘  
神儀挺發非望雲就日所追睿識獨尊豈生明  
弱言能企鹿苑金輪弘汲引以濟俗鶴林雙樹  
顯究竟以開氓惜乎祇園滅影鷲岳淪光微辭  
旣遙大義如綴自不宜游十地擁接九區豈有  
導覺水之塞源極法雲於落仞明公覽四諦之  
必空悟三業之暫有應務屈已則仁兼旦奭隨  
方申道則慧一淨名驅率土於福林入蒼黔於

正術

謝勅賜御裘等啓

雲衣降授仙裾曲委榮振素里澤駭蓬心昔漢  
帝解裘不獨前寵曹王褫帶復降今恩

謝勅賜米啓

臣無王陽之術計然之智不能負粟百里分地  
一廛上虧溫養自取饑切豈悟外恩橫集天私  
妄委

謝竟陵王示法制啓

翔慧燭於昏塗灑法水於塵路至夫澄心洗累  
之規莊情束影之制解網出界之訓滅惑淨照  
之旨固以行首霜威字端風厲信可以糟滓五  
書糠氛百氏升罩睥周簪笄尼旦所謂窺七澤  
而狹潢汙登太山而小天下

謝竟陵王示扇啓

竊以六翮風流五明氣重若比圓綃有兼玩實  
經瀚雪羽潔竝霜文子淑賞其如規班姬儷之  
明月豈直魏王九華漢臣百綺况復動製聖衷  
垂言烟戒載摹聽跡式範樞機

謝竟陵王賜納裘啓

降節自尊垂榮及賤玄玉不純曾波奪采南陸  
方永北風日壯無衣無褐發念聖衷而挾纊之  
問每流解裘之賜偏委

謝司徒賜紫鮮啓

東越水羞寔罄乘時之美南荆任土方揖鮮魚  
之最

謝武陵王賜弓啓

殿下摘藻蕙樓暢藝蘭苑敷積玉於風筵疊連  
珠於月的兔園掩秀鄴水慚奇融揖讓未工濫  
陪升飲之賞操弧反正繆奉招賢之錫文韜鏤  
景逸幹捎雲玩溢百齡佩流千載

謝安陸王賜銀鉢啓

素金之貴有訪仙經鐫刻可奇見符神鼎撤膳  
器於珍羞之席降寶玩於簞瓢之門

書

爲竟陵王與隱士劉虬書

玉燭登年金商在律炎涼始貿動靜惟安勤味  
道腴幸遵雅尚豈不樂哉僕誠幸甚百姓一心  
衆生不疾比屋可封將又何求但良書獨擁善  
談無析願言之子實瘳我心所以不遠千里尺  
書道意自淳清旣辨澆漓代襲隱顯之術參差  
默語之途紛互或飾智以警愚或激情以悟俗  
或穢已以闇通或謬歌以明道屠羊駟馬未足

磷其堅佯狂如愚豈能緇其白官楚蕃魏人外  
之氣逾邈入漢游梁區中之韻彌少及摧其輕  
重品其得失則淵懷洞賞寧或符之僕夙養閒  
襟長慕出槩迹塵珪組心逸江湖末面自親聞  
風如舊而廻駕之念徒軫式閭之禮無階固已  
佇軸深衷傾筐遐路者矣君矯然獨遠確乎難  
拔素志與白雲同悠高情與青松共爽宣習質  
文緇林枯而重葳昭辨空有連河壅而復滔所  
謂忘言之人可論天人之際豈能鳳舉鶴翻有

心儀萃高踰愛海比策禪衢沾濠射之冥游屈  
祇鷲之法侶闡三乘於窮子發二諦於困蒙有  
是因也何其暢歟今皇風具穆至道弘被四海  
不溢五嶽無塵膠序肇脩經法敷廣人賤璣璜  
家習禮讓樵蘇必時郊林全鬱罍網有節鱗羽  
偕翔至於層山絕澗還帶畿畎膏田沃野亘望  
廡躔信可以招徃隱淪栖集勝寄故文舉築室  
冶城之阿次宗植援西山之趾葛洪考槃於海  
岫釋遠肥遁於鍾幽每踐其遺蹤輒深九原之



歎若高步可遷復何懷乎四子昔宣尼之見伯  
雪師利之往維摩豈不知相忘之道哉諒有以  
也未叙之間爲道自愛一二令凌琚之口具

序

三月三日曲水詩序

臣聞出豫爲象鈞天之樂張焉時乘旣位御氣  
之駕翔焉是以得一奉宸逍遙襄城之域體元  
則大悵望姑射之阿然睿眈寂寥其獨適者已  
至如夏后兩龍載驅璿臺之上穆滿八駿如舞  
瑤水之陰亦有饗云固不與萬民共也我大齊  
之握機創曆誕命建家接禮貳宮考庸太室幽  
明獻期雷風通饗昭華之珍旣徙延喜之玉攸

歸革宋受天保生萬國度邑靜鹿丘之歎遷鼎  
息大坳之慙紹清和於帝猷聯顯懿於王表駿  
發開其遠祥定爾固其洪業皇帝體膺上聖運  
鍾下武冠五行之秀氣邁三代之英風昭章雲  
漢暉麗日月牢籠天地彈壓山川設神理以景  
俗敷文化以柔遠澤普汜而無私法含弘而不  
殺猶且具明廢寢是晷忘餐念負重於春冰懷  
御奔於秋駕可謂巍巍弗與蕩蕩誰名秉靈圖  
而非泰涉孟門其何險儲后睿哲在躬妙善居

質內積和順外發英華芥藻至德琢磨令範言  
炳丹青道潤金璧出龍樓而問豎入虎闈而齒  
胄愛敬盡於一人光耀究於四海若夫族茂麟  
趾宗固磐石跨躡昌姬韜軼炎漢元宰比肩於  
尚父中鉉繼踵乎周南分陝流勿翦之歡來仕  
允克施之譽莫不如珪如璋令問令望朱弗斯  
皇室家君王者也本枝之盛如此稽古之政如  
彼用能免群生於湯火納百姓於休和草萊樂  
業守屏稱事引鏡皆明目臨池無洗耳沈冥之

王寧甫集 卷三  
怨旣缺適軸之疾已消興廉舉孝歲時於外府  
署行議年日夕於中甸協律總章之司序倫正  
俗崇文成均之職導德齊禮挈壺宣夜辨氣朔  
於靈臺書笏弭彤紀言事於仙室褰帷斷裳危  
冠空履之吏影搖武猛扛鼎揭旗之士勤恤民  
隱糾逃王慝射集隼於高墉繳大風於長隧不  
仁者遠惟道斯行讒莠蔑聞攘爭掩息稀鳴桴  
於砥路鞠茂草於園扉耆年闕市井之游稚齒  
豐車馬之好宮隣昭泰荒憬清夷侮食來王左

言入侍離身反踵之君鬢首貫胸之長屈膝厥  
角請受纓縻文鉞碧帑之琛奇幹善芳之賦純  
牛露犬之玩乘黃茲白之駟盈衍儲邸克牝郊  
虞匪牘相尋鞮譯無曠一尉候於西東合車書  
於南北暢轂埋麟麟之轍綏旌卷悠悠之旆四  
方無拂五戎不距偃革辭軒銷金罷及天瑞降  
地符升澤馬來噐車出紫脫華朱英秀佞枝植  
曆草滋雲潤星暉風揚月至江海呈象龜龍載  
文方握河沈璧封山紀石邁三五而不追踐八

九之遙迹功旣成矣世旣貞矣信可以優游暇  
豫作樂崇德者歟于時青鳥司開條風發歲粵  
上斯已惟暮之春同律克和樹草自樂楔飲之  
日在茲風舞之情咸蕩去肅表乎時訓行慶動  
於天矚載懷平圃乃睠芳林芳林園者福地奧  
區之湊丹陵若水之舊殷殷均乎姚澤臚臚尙  
於周原狹豐邑之未宏陋譙居之猶褊求中和  
而輕處揆景緯以裁基飛觀神行虛檐雲構離  
房乍設層樓間起負朝陽而抗殿跨靈沼而浮

榮鏡文虹於綺疏浸青泉於玉砌幽幽叢薄秩  
秩斯干曲拂邐迥潺湲徑復新萍泛泚華桐發  
岫雜大采於柔荑亂嚶聲於絲羽禁軒承幸清  
宮俟宴緹帷宿置帘幕宵懸旣而滅宿澄霞登  
光辨色戒道執殳展軫效駕徐鑿警節明鐘暢  
音七萃連鑣九旂齊軌建旗拂蜺揚葭振木魚  
甲煙聚貝冑星羅重英曲瑤之飾絕景追風之  
騎昭灼甄部駟駿函列虎視龍超雷駭電逝轟  
轟隱隱紛紛軫軫羗難得而彌計爾乃廻輿駐

罕嶽鎮淵停眸容有穆賓儀式序授几肆筵因  
流波而成次蕙肴芳醴任激水而推移葆佾陳  
階金匏在席戚奏翹舞籥動邠詩召鳴鳥於弁  
州追伶倫於嶰谷發參差於王子傳妙靡於帝  
江清歌有闕羽觴無筭上陳景福之賜下獻南  
山之壽信飢讌之在藻知和樂於食華桑榆之  
陰不居草露之滋方渥有詔曰今日嘉會咸可  
賦詩凡四十有五人其辭云爾

王寧朔集卷之四

齊琅琊王融元長著

明閩漳張爨紹和纂

頌

淨行頌三十一首

皇覺辨德篇頌

紫實昧朱狂斯濫哲外逕揚鑣分源競柅麗景  
或幽澄舒每缺水激波生湮深火滅情端徒總  
理向空徹不有明心誰驅聖轍

開物歸信篇頌

生浮命舛識罔情違榮雲結影慧日潛暉逶迤  
脩道極夜無歸登山小曾泛海難沂參珉見璧  
辨礫知璣迷其未遠匪正何依

滌除三業篇頌

樂由生滅患以身全業資意造事假言筌利名  
畢倚榮辱茲纏燕驥匪躡周錯徒鑄惑端風緒  
愛境旌懸不勤一至何階四禪

脩理六根篇頌

傾都麗佳繞梁之曲肥馬輕裘蕙肴芳醪晦黑  
滋生昏囂競欲貌蕩魂浮身甘意觸靈龜攝根  
睛葵衛足蟲草或虞人如不勗

生老病死篇頌

穠華易遷繁蕉不實星髮鮐肌鄰光愒日二豎  
潛言十空空術生之往矣高松蕭瑟卽化翻靈  
從緣墜質噬臍有譏嗟然何汨

尅責身心篇頌

瞻彼進德莫敢惑遑顧咨小智徒以太康豈無

通術跋此榛荒雖有重離迹照螢光循情內負  
撫事外傷層羅一舉空念高翔

檢覆三業篇頌

渾風緬沒旅俗膠加競文內疾誰覩心瑕再惟  
情反三省身華貴危窮濫貧懾豪奢遑迴六蔽  
紛綸七邪不圖厥始逸馬難罝

訶語四大篇頌

迅矣百齡綿茲六入出沒昏疑興居愛習矻矻  
予求營營爾給匪德日歸惟歿斯集貪人敗類  
無厭自及昭回不希玄墟何泣

出家順善篇頌

澡身浴德晦迹埋名將安寶地誰留化城道場  
曠謐禪逕閒清風飄弗響震轍徒驚嘯傲焉慮  
脫落何營長捐有結永寘無生

在家從惡篇頌

石磨則磷玉生雖堅維居必徙豈曰能賢冰開  
春日蘭敗秋年教隨類反習乃情遷命符三漏  
生偕十纏茲焉遂往憂畏方延

沈冥地獄篇頌

冥津殊復曉高聽亦能卑陰牆雖兩密幽夜有  
四知炎山翻烈火冰澗市寒澌羅城振雲幕鋒  
樹鬱霜枝茹荼非云苦集木豈稱危求仁曾已  
得長歎欲何爲

出家懷道篇頌

韞石諒非真飾甕信爲假竊服臯門上濫吹溜  
軒下鳳祀徒驚心騶交終好野實相豈或照浮  
榮未能捨迹殊冠冕客事襲驅馳者已矣歇鄭  
聲無然亂周雅

在家懷善篇頌

處塵貴不染被褐重懷珠美玉曜幽石曾蘭挺  
龔芻四氏不爲侶三界豈能渝諒茲親愛染寧  
以財利拘煩流捨智寶榛路坦夷途萬物竟何  
匹烈火樹紅芙

三界內苦篇頌

心怨動紛遶情怡輒遷互歡愛一離遠傷憂坐  
衰暮連幌結清陰高臺起風露腐毒緣芳旨天



王靈前集 卷四 四  
伐實脩媻慾網必虧生繁且或全兔耿耿夜何  
期悠悠終肯悟

出三界外樂篇頌

端襟測煩海矯步寫埃氛三受猶絕雨八苦若  
浮雲輸心仰圓極罄質委方墳朝遊淨國侶暮  
集靈山羣燈祇開遠照香宇薦嘉薰俛首睇人  
俗信矣靜爲君

斷絕疑惑篇頌

生塗非一理識緒固饒津徒駭東陵富空嗟北  
郭貧國生曾已戾顏氏信爲仁逢尤昭往業習  
善會茲身勤憂永夷泰晏安終苦辛令名且云  
重豈若樹良因

十種慚愧篇頌

神膏施惟重玄酒恩未隆明璣隋水上潤玉藍  
田中稟天性所極資敬道攸崇羽毛共以勢輪  
軌相爲通報德愴前雅酬言愛餘風遵途每多  
舛顧省能無忡

極大慚愧篇頌

冬狐狸豐毳春蠶緒輕絲形骸翻爲阻心識還  
自欺華容羈州日生平少年時驅車追俠客酌  
酒弄妖姬但念目前好安知身後悲惕然一以  
愧永與情愛辭

善友獎勸篇頌

蘭室改蓬心梅崖變伊草丹青有必渝絲纒豈  
常皓曲轅且繩直詭木遂雕藻一簣或成山百  
里倦中道隆漢乃王臣失楚信元保勉矣德不  
振至言匪虛造

戒法攝心篇頌

金山嚴寶仞瓊峽烈瑤蕙牆狐議不窟檐鷄豈  
能棲淨花莊思序慧沼盥身倪六羣儻未一七  
衆固恒齊端儀有直景正道無傾蹊維宮超以  
悟襄野竟何逃

自慶畢故止新篇頌

春非我春秋非秋一經長夜每悠悠陶形練氣  
任元造啓蒙夷阻出重幽榮公三樂非爲曠箕  
生五福豈能求靈姿妙境往難集微言至道此

王寧前集 卷四 六  
云脩年逢生幸曾以慶盈愆貳過儻知憂畢故  
斷新別苦海希賢庶善憑智流

大忍惡對篇頌

春山之下玉抵禽漢水之陽壁千金清業神居  
德非重潔已愚侶道已深愛憎喜怒生而習榮  
華芳旨世所欽鴻才巨力萬夫敵誰肯制此方  
寸心逸驥狂兕獷不御繁羈密柙儻能禁遣情  
遺事復何想寂然無待恣幽尋

緣境無礙篇頌

帆象惚物終不名龍舉鸞集竟誰辯絕智亡身  
孰爲礙韜名戢曜故能顯匪日匪月灼以懸安  
飛安翔虛而踐壁石無間恣出沒水火有性任  
舒卷敷教應俗驚泉流現迹依方迅風轉大哉  
超世莫與羣希轅慕舜宜自勉

一志努力篇頌

像北二山尚有移河中一洲亦可爲精誠必至  
霜塵下意氣所感金石離有子刺掌脩名立王  
生擢髮美譽垂自來勤心少騫墜何不努力出

王寧前集 卷四 七  
憂危勝幡法鼓縈且擊智師道衆紛以馳有常  
無我儼旣列無明有縛孰能窺

禮舍利寶塔篇頌

越人鑄金誠有思魏后粧木亦云悲中賢小節  
猶可戀去聖彌遠情彌滋祇樹蕭條多宿楚王  
宮寂寞渺遺基設像居室若有望開儀駐景暖  
如之連卿共日獨先後道悠命舛將無時傾懷  
結想惻以慕垂靈寫照拂塵疑

敬重正法篇頌

出不自戶將何由行不以法欲焉脩之燕入楚  
待駿足陵河越海寄輕舟仁言爲利壯已博聖  
道弘濟邈難求通明洞燭煥曾景深凝廣潤湛  
淵流翼善開賢敷教義照蒙啓惑滌煩憂功成  
弗有名弗居淡然無執與化遊

奉養僧田篇頌

五玉已潤談而信八桂雖芳風乃掃妙理至言  
唯聖寶不自伊人孰弘道照空觀法毗遷流撫  
俗瞻光厭生老絕滅情嗜斷懽怡縱落豪華棄

王寧前集 卷四  
雕藻親愛倏忽信風煙財利悠悠若塵草測以  
龍雲豈曰高濯足江漢更慚皓

勸請增進篇頌

俟河之清逢聖朝靈智俯接一其遙白日馳光  
不流照葵藿微志徒傾翹遍盈空有盡三界綿  
塞宇宙罄八遼德光業遠升至覺寂寞常住獨  
能超煎灼欲火思雲露沈汨使水望舟橋弘慈  
廣度昔有誓法輪道御且徐驪

隨喜萬善篇頌

聞善若已燭良書見賢思齊笑通詰咸幽動地  
孝有誠殞首流腸忠爲操振禮擗文弘憲則機  
謀颺勇靜姦暴明白入素志冲閒高論窮微契  
神奧捐軀濟物不邀名輕財貴義豈期報百行  
萬善紛塗軌求誠罄想畢歡路

廻向佛道篇頌

悠悠九土各異形擾擾四俗非一情驅車秣馬  
徇世榮市交鬻義街虛名三墨紛紜殊不會七  
儒委鬱曾未弁吉凶拘忌廼數術取與離合實

王寧齋集 卷四 九  
縱橫朝日夕月竟何取投巖赴火空捐生咄嗟  
失道爾迴駕沔彼流水趣東瀛

發願莊嚴篇頌

心所期兮彼之岸何事浮俗久淹迨照慧日兮  
駕法雲騰危城兮出塵館芳珠燁兮聞歲時寶  
樹颺兮警昏旦清露搏甘永以挹喜園流采常  
爲玩無待殷鼎方丈羞安用秦箏織指彈勤誠  
款願長不渝習苦塵勞從此捍

哀策文

皇太子哀策文

繡幕啓塗銅池從殯葆鐸旣行枚絳且引皇帝  
痛柔盛之闕奉哀七鬯之有亡憫含嗟乎崇正  
顧掩欻於承光式睠元良永懷人寶俾茲史策  
載餘風道其辭曰

居辰北極在日重離誕惟妙善克自生知資神  
爲契合聖如規地維缺位月紀誓期哀纏晦朔  
燧改歲時饘粥不溢薑桂無茲俛終心禮昌我

帝基思皇下武纘戎上德將叶人神永貽家國  
用稽嗣典實弘儲則庸器改物徽號崇名徃辭  
綠葢來馭朱纓旂旗旖旎鸞熏聲明守器宣華  
訪安永福上涌驂軒初晨戒服慶色伊蒲夤儀  
載肅至誠莫感遐福空辭氛程月志稜動年司  
素媛犯列青雲失滋中楹軫夢當戶陳詩楚藥  
毀方秦鑿反轍高議虛演奇文徒說遠賓上靈  
長違昭世痛結宸慈哀震華棣嗚呼哀哉軒帷  
高寂庭帳深陰鶴關晝掩鳧燈夜沉仍襲未改  
客饌如臨駿徽儀而可慕標嗣子之純心嗚呼  
哀哉韋弁告期麻衣請日辯域展圖揚龜獻吉  
文物充階具僚在側總葭挽之哀淒視風煙之  
騷瑟嗚呼哀哉飾麾輅而南指轉旌羽而北徂  
車結軫於雕轂馬緩節於金蘇寄靈心於萬象  
增戀戀於國都嗚呼哀哉光徙靡而欲沉山荒  
涼而遂晚城闕緬而何期平原忽而超遠情有  
望而弗追顧如疑於將反嗚呼哀哉

墓銘

豫章王墓銘

領袖傾淪人綱弛沒半嶽摧峰中河墜月眷然  
曉隧如何夜臺鯨駭惋慕葆吹徘徊千秋萬祀  
顧有餘哀



永嘉長公主墓銘

作儀阿媛取儷漢妃相金陋質穠李慚輝蕭穆  
婦容靜恭女德顧史求箴披圖問則慶善郁夷  
與仁冥默宵燧亡明曉挽已聲松門嚴澗泉帳  
寒清悠哉白日鬱彼佳城

附錄

王融傳

梁蕭子顯

王融字元長琅邪臨沂人也祖僧達中書令曾  
高並台輔僧達荅宋孝武云亡父亡祖司徒司  
空父道琰廬陵內史母臨川太守謝惠宣女惇  
敏婦人也教融書學融少而神明警惠博涉有  
文才舉秀才晉安王南中郎板行參軍坐公事  
免晉陵王司徒板法曹行參軍遷太子舍人融  
以父官不通弱年便欲紹興家業啓世祖求自

試遷秘書丞從叔儉初有儀同之授融贈詩及書儉甚奇憚之笑謂人曰穰侯印詎便可解尋遷丹陽丞中書郎虜使遣求書朝議欲不與融上疏世祖荅曰吾意不異卿今所啓比相見更委悉事竟不行永明末世祖欲比伐使毛惠秀畫漢武北伐圖使融掌其事融好功名因此上疏圖成上置琅邪城射堂壁上遊幸輒觀視焉九年上幸芳林園禊宴朝臣使融爲曲水詩序文藻富麗當世稱之上以融才辯十一年使兼

主客接虜使房景高宋弁弁見融年少問主客年幾融曰五十之年久踰其半因問在朝聞主客作曲水詩序景高又云在北聞主客此製勝於顏延年實願一見融乃示之後日宋弁於瑤池堂謂融曰昔觀相如封禪以知漢武之德今覽王生詩序用見齊主之盛融曰皇家盛明豈直比蹤漢武更慙鄙製無以遠匹相如上以虜獻馬不稱使融問曰秦西冀比實多駿驥而魏主所獻良馬乃駑駘之不若求名檢事殊爲未

孚將旦旦信誓有時而爽駟駟之牧不能復嗣  
宋弁曰不容虛僞之名當是不習土地融曰周  
穆馬跡徧於天下若騏驥之性因地而遷則造  
父之策有時而躓弁曰王主客何爲殷勤於千  
里融曰卿國旣異其優劣聊復相訪若千里日  
至聖上當駕鼓車弁曰向意旣須必不能駕鼓  
車也融曰買死馬之骨亦郭隗之故弁不能荅  
融自恃人地三十內望爲公輔直中書省夜嘆  
曰鄧禹笑人行逢大舡開喧湫不得進又歎曰

車前無八騶卒何得稱爲丈夫朝廷討雍州刺  
史王奐融復上疏會虜動竟陵王子良於東府  
募人板融寧朔將軍軍主融文辭辨捷尤善倉  
卒屬綴有所造作援筆可待子良特相友好情  
分殊常晚節大習騎馬才地旣華兼藉子良之  
勢傾意賓客勞問周款文武翕翕輻湊之招集  
江西僭楚數百人並有幹用世祖疾篤暫絕子  
良在殿內太孫未入融戎服絳衫於中書省閣  
口斷東宮仗不得進欲立子良上旣蘇太孫入

殿朝事委高宗融知子良不得立乃釋服還省  
歎曰公誤我鬱林深忿疾融卽位十餘日收下  
廷尉獄然後使中丞孔稚珪倚爲奏曰融姿性  
剛險立身浮競動迹驚羣抗言異類近塞外微  
塵苦求將領遂招納不逞扇誘荒僮狡弄聲勢  
專行權利反覆唇齒之間傾動頰舌之內威福  
自己無所忌憚誹謗朝政歷毀王公謂已才流  
無所推下事曝遠近使融依源據荅詔於獄賜  
死時年二十七臨死歎曰我若不爲百歲老母  
當吐一言融意欲指斥帝在東宮時過失也融  
被收朋友郗曲參問比寺相繼於道融請救於  
子良子良憂懼不敢救融文集行於世

史臣曰晉世遷宅江表人無比歸之計英霸作  
輔芟定中原彌見金德之不競也元嘉再略河  
南師旅傾覆自此以來攻伐寢議雖有戰爭事  
存保境王融生遇永明軍國寧息以文敏才華  
不足進取經略心旨殷勤表奏若使宮車未晏  
有事邊關融之報効或不易限夫經國體遠許

王寧朔集 附錄 四  
久爲難而立功立事信居物右其賈誼終軍之  
流亞乎

贊曰元長穎脫拊翼將飛時來運徃身沒志違

王融傳

唐李延壽

融字元長少而神明警慧母臨川太守謝惠宣  
女性敦敏教融書學博涉有文才從叔儉謂人  
曰此兒至四十名位自然及祖舉秀才累遷太  
子舍人以父宦不通弱年便欲紹興家業啓齊  
武帝來自試遷祕書丞從叔儉初有儀同之授  
贈儉詩及書儉甚奇之笑謂人曰穰侯卽詎便  
可解歷丹陽丞中書郎永明末武帝欲北侵使  
毛惠秀畫漢武北伐圖融因此上疏開張北侵

之議圖成上置琅邪城射堂壁上游幸輒觀焉  
九年芳林園禊宴使融爲曲水詩序當時稱之  
上以融才辯使兼主客接魏使房景高宋弁弁  
見融年少問主客年幾融曰五十之年久踰其  
半景高又云在北聞主客曲水詩序勝延年實  
願一見融乃示之後日宋弁於瑤池堂謂融曰  
昔觀相如封禪以知漢武之德今覽王生詩序  
用見齊王之盛融曰皇家盛明豈直比蹤漢武  
更慙鄙製無以遠匹相如上以魏所送馬不稱  
使融問之曰秦西冀北實多駿驥而魏之良馬  
乃駑不若將旦旦信誓有時而爽駟駟之牧遂  
不能嗣宋弁曰當是不習地土融曰周穆馬迹  
徧於天下若騏驎之性因地而遷則造父之策  
有時而躓弁曰王主客何爲勤勤於千里融曰  
卿國旣異其優劣聊復相訪若千里斯至聖上  
當駕鼓車弁曰向意旣須必不能駕鼓車也融  
曰買死馬之骨亦以郭隗之故弁不能荅融躁  
於名利自恃人地三十內望爲公輔初爲司徒

法曹詣王僧祐因遇沈昭略未相識昭略屢顧  
盼謂主人曰是何年少融殊不平謂曰僕出於  
扶桑入於暘谷照耀天下誰云不知而卿此問  
昭略云不知許事且食蛤蜊融曰物以群分方  
以類聚君長東隅居然應嗜此族其高自標置  
如此及爲中書郎嘗撫案嘆曰爲爾寂寂鄧禹  
笑人行遇朱雀桁開路人填塞乃槌車壁曰車  
中乃可無七尺車前豈可乏八騶及魏軍動竟  
陵王子良於東府募人拔融寧朔將軍軍主融  
文辭捷速有所造作援筆可待子良特相友好  
晚節大習騎馬招集江西儉楚數百人並有幹  
用融特爲謀主武帝病篤暫絕子良在殿內太  
孫未入融戎服絳衫於中書省閤口斷東宮仗  
不得進欲矯詔立子良詔草已立上重蘇朝事  
委西昌侯鸞梁武謂范雲曰左手據天下圖右  
手扞其喉愚夫不爲主上大漸國家自有故事  
道路籍籍將有非常之舉卿聞之乎雲不敢荅  
俄而帝崩融乃處分以子良兵禁諸門西昌侯

聞急馳到雲龍門不得進乃曰有敕召我仍排而入奉太孫登殿命左右扶出子良指麾音響如鍾殿內無不從命融知不遂乃釋服還省歎曰公誤我鬱林深怨融卽位十餘日收下廷尉獄使中丞孔珪倚爲奏曰融姿性剛險立身浮競動迹驚群抗言異類近塞外微塵苦求將領遂招納不逞扇誘荒僮狡弄威聲專行權利反覆唇齒之間傾動頰舌之內威福自己無所忌憚誹謗朝政歷毀王公謂已才流無所推下事暴遠近使融依源振荅融被收朋友部曲參問比寺相繼於道請救於子良子良不敢救西昌侯固爭不得詔於獄賜死時年二十七臨死歎曰我若不爲百歲老母當吐一言融意欲指斥帝在東宮時過失也先是太學生會稽魏準以才學爲融所賞旣欲奉子良而準鼓成其事太學生虞羲丘國賓竊相謂曰竟陵才弱王中書無斷敗在眼中矣及融誅召準入舍人省詰問遂懼而死舉體皆青時人以準膽破融文集行



於時

和王著作融八公山

齊謝朓

二別阻漢坻雙嶠望河澳茲嶺復嶢岼分區奠  
淮服東限瑯瑯臺西距孟諸陸阡眠起雜樹檀  
藥蔭脩竹日隱澗疑空雲聚岫如複出沒眺樓  
雉遠近送春目戎州昔亂華素景淪伊穀阡危  
賴宗袞微管寄明牧長蛇固能剪奔鯨自此曝  
道峻芳塵流業遙年運倏平生仰令圖吁嗟命  
不淑浩蕩別親知連翩戒征軸再遠館娃宮兩  
去河陽谷風煙四時犯霜雨朝夜沐春秀良已

凋秋塲庶能築

傷王元長

梁沈約

元長秉奇調弱冠慕前蹤眷言懷祖武一篲望  
成峰途艱行易跌命舛志難逢折風落迅羽流  
恨蒲青松

遺事

王元長謂鍾嶸云宮商與二儀俱生自古詞人  
不知之惟顏憲子乃云律呂音調而其實大謬  
唯見范曄謝莊頗識之耳

亦明八年天忽黃色照地衆莫能解司徒法曹  
王融上金天頌

南史

王融俊爽識鑒過人敬異梁高祖每謂所親曰

宰制天下必在此人

梁本紀

豫章王薨勅王融為銘云半嶽摧鋒中河墜月

帝流涕曰此正吾所欲言 南史

高麗俗服窮袴冠折風一梁謂之幘知讀五經  
使人在京師王融戲之曰服之不衷身之災也  
頭上定是何物曰此古弁之遺像也

王融圖古今雜體有六十四書少年倣効家藏  
紙貴而風魚蟲鳥是七國時書元長皆作隸字  
故移後來所詰湘東王遣沮陽令韋仲定為九  
十一種次功曹謝善勛增其九法合成百體其  
中以八卦為書為一以太為兩法徑丈一字方

寸千言 法書要錄

子良既亡陸慧曉於邸門逢袁象問之曰近者  
云云定復何謂王融見殺而魏準破膽道路籍  
藉又云竟陵不永天年有之乎答曰齊氏微弱  
已數年矣斥牙柱石之臣都盡命之所餘政風  
流名士耳不立長君無以鎮安四海王融雖為  
身計實安社稷恨其不能斷事以至於此道路  
之談自為虛說耳 南史

集評

元長士章並有盛才詞美英淨至於五言之作  
幾乎尺有所短譬應變將畧非武侯所長未足

以貶卧龍詩品

王元長辭不貴奇競須新事詩品

王融作遊仙詩如金莖百尺仙掌銅盤集沆瀣

於中天倚清寒而獨矯也竹林詩評

玉皇考

附錄



